

Ariadne Faries ta parti di e festival di buki pa mucha


ORANJESTAD(AAN)-- Biblioteca Nacional Aruba ta organisa su di 21 Festival di Buki pa Mucha den e siman di 1 te cu 8 di november 2013. Escritor y contadonan di cuenta lo ta di bishita den e siman aki na 65 scol Preparatorio, basico y special. Tambe lo tin diferente actividad na librerianan y biblioteca.

Ariadne Faries ta forma parti di e grupo di autor cu ta bishita scol. Ariadne Faries a nace na Corsou (1968) y a studia diseño grafico na San José, Costa Rica. Ariadne su arte ta conoci riba diferente tereno manera: Arte plastico, fotografia, diseño grafico y como ilustrado y autor pa buki di mucha. Den su obranan di literatura pa mucha, su habilidadnan ta cubri gran parti di tur esaki. Ariadne Faries tin varios co-produccion cu otro autor riba su nomber. Por ehempel

Kingu di e escritora di Aruba Aurita Meenhorst-Arends. Kingu ta e buki oficial di festival di buki pa mucha 2006 na Aruba. Tambe 'Kumbai' skirbi pa Ruth Zefrin, 'Mi amigu hundu y rondo' di Roland Colastica y 'Yomi ke bai felt' di Merly Augusta. Huntu ku 12 autor Ariadne a crea 'Bin bin scucha un cuenta' (2005). Un buki di scochi pa mucha chikito. Diferente buki grandi pa enseñansa di fundeshi manera, 'Rosi, e konenchi', 'Un beer pa Minchi y Mimi a haci aña, bo ta bini?' (2005). 'Domi di den Mond' di Desiree Correa, buki oficial di festival di buki pa mucha 2003 na Aruba y Antiyas Hulandes. 'Djosi Djaka cu Mimina Makaku' di Ruthie Panthoplet (2001). Tambe el a skirbi un buki hunto cu Maria Diwan y Diana Pinto: 'Gabriela y e simianan di felicidad' (1999). 'Un simia' ta un coleccion di poesia y

cuenta cortico skirbi door di varios mucha di Boneiro (1999). Cuenta folkloriko di Enrique Muller (1997). Su mes bukinan cu e mes a skirbi y pinta: 'Esta dushi Carnaval di cadushi'. (1995) y 'Di un te dies' (2011). Ariadne Faries a participa den exposicion di arte como individual y den grupo na varios pais. Su arte a ser expone na Corsou, Costa Rica, Venezuela, Cuba, Santo Domingo, Aruba, Bonaire, Michigan USA y New York.

Biblioteca Nacional Aruba ta invita tur mucha y publico en general pa ta presente na e apertura di e Festival di Buki pa Mucha 2013, diabierna prome di november. Biblioteca ta sigui cu e trabou di promocion di lesamento y ta sigui stimula otro instancia cu ta traha riba tereno di lesamento. Biblioteca Nacional Aruba ta e centro di conocimiento y encuentro pa e pueblo di Aruba.



Kinderboekenfestival
Nederlandse Antillen en Aruba
november 2003

Domi di den mondi / Domi van het bos
Desiree Correa
Met illustraties van Ariadne Faries

Openbare Bibliotheken Stichting Culturele Manifestaties N.A.N.A. Diensten Onderwijs en Cultuur.
Het N.A.N.A. Kinderboekenfestival werd mogelijk gemaakt door de Ministries van BZK en OCW, de Antillanese en de Arubaanse regering, de Nederlandse Taalunie en door de beide hoofdsponsors het Prins Bernhard Cultuurfonds Nederlandse Antillen en Aruba en de Stichting DOEN.
N.A.N.A. bedankt voorts Medoro & Cornet's Bank, Stichting Mees Pierson, National Internet Curaçao en Hotel Otobanda.